

ქვეპროგრამის განაცხადის ფორმა

პროგრამის დასახელება, რის ფარგლებშიც ხორციელდება ქვეპროგრამა:

სამედიცინო და სოციალური რეაბილიტაცია

ქვეპროგრამის კლასიფიკაციის კოდი:

060509

ქვეპროგრამის დასახელება:

რთული ქცევის მოზარდთა ფსიქოლოგიური მხარდაჭერა

ქვეპროგრამის განმახორციელებელი:

აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო

ქვეპროგრამის მთლიანი ბიუჯეტი:

დასახელება	2026 წელი
ა/რ ბიუჯეტის საკუთარი შემოსავლები	360,000
სულ ბიუჯეტი:	360,000

ქვეპროგრამის მიზანი:

სამიზნე ჯგუფის ფსიქოლოგიური მდგომარეობის გაუმჯობესება, სოციალური უნარების განვითარება და ქცევითი პრობლემების შემცირება, სოციალური ინკლუზია, მშობლობის უნარ-ჩვევების გაძლიერება, ოჯახურ გარემოში აღზრდის ხელშეწყობა და მომსახურების ფინანსური ხელმისაწვდომობის უზრუნველყოფა.

ქვეპროგრამის აღწერა:

ქვეპროგრამის სამიზნე ჯგუფს მიეკუთვნება 7-ან 18 წლამდე ასაკის ბავშვები და მოზარდები, რომელთა მდგომარეობები არ ექვემდებარებიან შეზღუდული შესაძლებლობის სტატუსის მინიჭებას, თუმცა მნიშვნელოვან უარყოფით გავლენას ახდენენ ბავშვის/მოზარდის და მისი ოჯახის წევრების კეთილდღეობაზე ფსიქო-სოციალური პრობლემების რისკების გამო. ქვეპროგრამა უზრუნველყოფს ქვეპროგრამით განსაზღვრული დიაგნოზის მქონე იდენტიფიცირებული ბავშვის/მოზარდის პოზიტიური სოციალური ინტეგრაციის ხელშეწყობას, უნარების განვითარებასა და თვითშეფასების ამაღლებას.

პაციენტებს ქვეპროგრამით გათვალისწინებული მომსახურება მიეწოდება მულტიდისციპლინური ჯგუფის მიერ (ნევროლოგი, ფსიქოლოგი, სოცმუშაკი, სპეც. პედაგოგი, ლოგოპედი, არტთერაპეტი ) პაციენტის ინდივიდუალური განვითარების გეგმის შესაბამისად, რომელიც ითვალისწინებს როგორც ინდივიდუალურ, ასევე ჯგუფურ მომსახურებას (მათ შორის ფსიქოლოგთან არანაკლებ 4 სესიისა ) მშობლის და/ან სასწავლო-სააღმზრდელო დაწესებულების წარმომადგენლის დასწრებით/თანამშრომლობით. გაწეული მომსახურება (1 კურსი არაუმეტეს 12 ვიზიტისა) დაუფინანსდებათ 100%-ით, მაგრამ არაუმეტეს ქვეპროგრამით განსაზღვრული ტარიფისა- 1 კურსის ღირებულება 300 ლარის ოდენობით. დაფინანსების ერთეულს წარმოადგენს ინდივიდუალური გეგმით განსაზღვრული არანაკლებ ერთსაათიანი მომსახურება, რომლის ღირებულებაც 25 ლარია.

ქვეპროგრამის ბენეფიციარად განისაზღვრა:

1. მოქალაქე, რომლის ოჯახი რეგისტრირებულია სოციალურად დაუცველი ოჯახების ერთიან მონაცემთა ბაზაში 0-დან 150 000-ის ჩათვლით სარეიტინგო ქულით.
2. რეინტეგრაციის შემწეობის მიმღები ოჯახების ბავშვები;
3. მინდობით აღზრდაში/სააღმზრდელო დაწესებულებაში/თავშესაფარში მყოფი ბავშვები, თუკი ამ დაწესებულების მიერ არ ხდება ამ პროგრამით გათვალისწინებული მომსახურების მიწოდება;

ქვეპროგრამა განხორციელდება სოციალური ვაუჩერის საშუალებით. ქვეპროგრამის ფარგლებში ერთდროულად გაიცემა 3 თვის ვაუჩერი, ხოლო საბიუჯეტო წლის განმავლობაში არაუმეტეს 6 თვის და არაუმეტეს მოზარდის 18 წლის მიღწევის თვის ჩათვლით.

ვაუჩერის გაცემის საფუძველს წარმოადგენს:

- განცხადება;
- ცნობა ჯანმრთელობის მდგომარეობის შესახებ - ფორმა №IV-100/ა, სადაც მითითებული უნდა იყოს დიაგნოზი ICD-10 მიხედვით (ნევროლოგის ან სხვა ექიმ-სპეციალისტის მიერ გამოვლენილი/დადასტურებული ქცევითი დარღვევები) და რეაბილიტაციის კურსის საჭიროება;
- ბავშვის/მოზარდის დაბადების მოწმობის ასლი ან სხვა დოკუმენტი, რომლითაც შესაძლებელია მისი იდენტიფიკაცია;
- მშობლის ან ბავშვის/მოზარდის კანონიერი წარმომადგენლის პირადობის დამადასტურებელი მოწმობის ასლი, ან სხვა დოკუმენტი, რომლითაც შესაძლებელია პირის იდენტიფიკაცია (კანონიერი წარმომადგენლის შემთხვევაში, ასევე კანონიერი წარმომადგენლობის დამადასტურებელი საბუთი);
- ბენეფიციარობის დამადასტურებელი საბუთი.

ქვეპროგრამაში გათვალისწინებული მომსახურების მიღების მიზნით მოსარგებლეთა ჩართვა განხორციელდება ექიმი-სპეციალისტის დასკვნის საფუძველზე მომართვიანობის მიხედვით მომსახურების მიღების უპირატესი უფლების დაცვით.

ქვეპროგრამის ფარგლებში მომსახურების მიღების უპირატესი უფლებით სარგებლობენ:

- ბულინგის, ძალადობის მსხვერპლი მოზარდი;
- ობოლი და მარჩენალდაკარგული მოზარდი;
- ემიგრაციაში მყოფი მშობლების შვილი;
- პენიტენციურ დაწესებულებაში მყოფი მშობლის შვილი.

ქვეპროგრამის მოსარგებლები არიან საქართველოს მოქალაქეები, რომლებიც რეგისტრირებულნი არიან აჭარის ავტონომიურ რესპუბლიკის ტერიტორიაზე 2026 წლის 1 იანვრის მდგომარეობით და ვაუჩერის გაცემის მომენტში; ასევე, იძულებით გადაადგილებული პირის სტატუსის მქონე მოქალაქეები, რომლებსაც დევნილის სტატუსის დამადასტურებელი დოკუმენტის მიხედვით რეგისტრაციის ადგილად უფიქსირდებათ აჭარის ავტონომიურ რესპუბლიკის ტერიტორია. ამასთანავე, 2026 წლის 1 იანვრის მდგომარეობით და ვაუჩერის გაცემის პერიოდისათვის ერთი-ერთი მშობელი მაინც უწყვეტადაა რეგისტრირებული აჭარის ავტონომიური რესპუბლიკის ტერიტორიაზე.

რეგისტრაციის ადგილის ცვლილების ან რეგისტრაციის წყვეტილობის არსებობის შემთხვევაში, პირი არ უნდა იყოს რეგისტრირებული აჭარის ავტონომიური რესპუბლიკის ადმინისტრაციული ტერიტორიის გარეთ.

გამონაკლის შემთხვევებს, ქვეპროგრამის განხორციელების წესსა და მასთან დაკავშირებით გასატარებელ ღონისძიებებს განსაზღვრავს და ამტკიცებს აჭარის ავტონომიური რესპუბლიკის ჯანმრთელობისა და სოციალური დაცვის მინისტრი შესაბამისი ინდივიდუალურ-სამართლებრივი აქტით.

ქვეპროგრამით დასაფინანსებელი ნოზოლოგიური ჯგუფები:

- R45-R45.8** სიმპტომები და ნიშნები, რომელიც ეხება ემოციურ მდგომარეობას
- R46-R46.8** სიმპტომები და ნიშნები, რომელიც ეხება გარეგნობას და ქცევას
- F10-F19** ალკოჰოლის, კოკაინის ოპიოდების მოხმარების შემდგომი ქცევითი აშლილობები
- F92** ქცევისა და ემოციების შერეული აშლილობები
- F90** ჰიპერკინეტიკური აშლილობა
- F91** ქცევითი აშლილობა
- F81** სასკოლო ჩვევების განვითარებასთან დაკავშირებული სპეციფიური აშლილობები
- F98** სხვა ქცევითი და ემოციური აშლილობები განვითარებული ბავშვებსა და მოზარდებში
- F93** ემოციური აშლილობები ბავშვებში
- F94** სოციალური ფუნქციონირების აშლილობა ბავშვებსა და მოზარდებში

დასახელება	პროდუქტები		
	კურსის რაოდენობა	ერთ. საშ. ფასი	სულ (ლარი)
განვითარების სტიმულირების მომსახურების დაფინანსება	1,200	300	360,000
სულ ქვეპროგრამის ბიუჯეტი			360,000

ქვეპროგრამის განხორციელების დროითი გეგმა

	1 კვარტალი	2 კვარტალი	3 კვარტალი	4 კვარტალი
მომსახურების მიმწოდებელი დაწესებულებების შერჩევა	X	X	X	X
ბენეფიციართა განცხადებების მიღება	X	X	X	X
განცხადებების განხილვა	X	X	X	X
ვაუჩერის გაცემა	X	X	X	X

მომავალი წლის მოსალოდნელი შედეგი

ბენეფიციართა ქცევითი პრობლემების შემცირებულობა, ემოციური სტაბილურობა გაიზრდა, სოციალური ინტეგრაციის ხელშეწყობა, რესოციალიზაცია, ბავშვის/მოზარდისა და ოჯახის გაძლიერება უზრუნველყოფილია.

## ქვეპროგრამის შუალედური შედეგის ინდიკატორები

მოსალოდნელი შედეგი	შედეგის ინდიკატორები	გაზომვის ერთეული	მონაცემთა წყარო	სიხშირე	პასუხისმგებელი (საბიუჯეტო ორგანიზაცია)	მოგროვების მეთოდი
ბენეფიციართა ქცევითი პრობლემების შემცირებულია, ემოციური სტაბილურობა გაიზარდა, სოციალური ინტეგრაციის ხელშეწყობა, რესოციალიზაცია, ბავშვის/მოზარდისა და ოჯახის გამლიერება უზრუნველყოფა	რეაბილიტაციის კურსის რაოდენობა	1200	აჭარის ავტონომიური რესპუბლიკის ჯანმრთელობისა და სოციალური დაცვის სამინისტროს სოციალური დაცვის დეპარტამენტი	წელიწადში ერთხელ	აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო	აჭარის ავტონომიური რესპუბლიკის ჯანმრთელობისა და სოციალური დაცვის სამინისტროში შემოსული მოქალაქეთა განცხადებების ანალიზი
რთული ქცევის მოზარდთა ფსიქოლოგიური მხარდაჭერა პროცესში ჩართულობა	ჩართულობის მაჩვენებელი	90%	აჭარის ავტონომიური რესპუბლიკის ჯანმრთელობისა და სოციალური დაცვის სამინისტროს სოციალური დაცვის დეპარტამენტი	წელიწადში ერთხელ	აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო	აჭარის ავტონომიური რესპუბლიკის ჯანმრთელობისა და სოციალური დაცვის სამინისტროში შემოსული მოქალაქეთა განცხადებების ანალიზი
ბენეფიციართა რაოდენობა	რაოდენობა	200	აჭარის ავტონომიური რესპუბლიკის ჯანმრთელობისა და სოციალური დაცვის სამინისტროს სოციალური დაცვის დეპარტამენტი	წელიწადში ერთხელ	აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო	აჭარის ავტონომიური რესპუბლიკის ჯანმრთელობისა და სოციალური დაცვის სამინისტროში შემოსული მოქალაქეთა განცხადებების ანალიზი